

20 A. 9. 246¹⁰¹ VD 16
EPIGRAMMA AD LE
ctorem T. T.

Ponere Romani statuas ad templa solebant,
Ornantes variis hæc monumenta modis
Disceret ex illis primum vt Romana iuentus
Præmia virtutem maxima quæque sequi.
Atq; simul studium veræ virtutis amaret,
Ante oculos cernens fortia facta patrum.
Sed nunc non opus est statuis nec imagine picta,
Quæ pascunt oculos, mens aliena manet,
Postquam subiecta est oculis spectanda priorum
Virtus, quæ in libris inspicienda datur.
Hinc modo sumantur stimuli virtutis, & alta
Mente reponamus ardua gesta ducum.
Nam docet iste liber quæ sit virtutis imago,
Quid deceat cunctos dedeceatq; bonos.
Indicat immensæ quæ sint ab origine mundi
Facta, quibus laudem qui mæruere duces;
Admonet & veram pietatem præmia iusta,
Vltrices pœnas facta maligna sequi.
Imperii que statum, quantisque Ecclesia semper
Sit turbata malis, hinc quoque scire potes.
Deniq; mortalis quæ sint discrimina vitæ,
Hoc speculum nobis omnibus esse potest.
Nunc decet à cunctis summo virtutis amore
Res gestas veterum nocte dieq; legi.
Crescat vt in nobis studium pietatis, & ipsa
Nos iubeat virtus optima sponte sequi.